

重刊道藏輯要

猶龍傳

賈善翔編

起無始

渾淪之未判神靈之未植而為冥妙之本者道也所謂道莫窮其根本莫測其津涯而有太聖人稟之而生於其間故謂之無始者即太上也太上生乎無始起乎無因為萬道之先元炁之祖蓋無光無象無色無聲無宗無緒杳杳冥冥其中有精其精甚真彌綸無外故稱大道焉夫道自然之妙本也於微妙之中而生空洞者真一也真一者不有不無也從此一炁而生上三

道藏輯要

猶龍傳

一

尾集五

炁三合成德共生無上也自無上而生中三炁三合成德共生真老也自真老而生下三炁三合成德共生太上也自太上乃生前三炁三合成德共生老君也自老君化成後三炁三炁又化生真妙玉女白玉女稟三炁混沌凝結變化五色玄黃大如彈丸流入玄妙口中吞之有身凡八十一年乃從左腋而生生而白首故號老子老子即老君也乃大道之身元炁之祖天地之根也夫大道微妙出於自然生於無生先於無先挺於空洞陶育乾坤號曰無上變化無常不可得名故曰吾生於無形之先起乎太初之前長乎太始之端行乎太素之元浮游幽虛出入杳冥觀混沌之未判清濁之未分三景之未光萬物之未形

獨能寓恍惚之庭游曠浪之野卓然獨立大而無配視之不見聽之不聞搏之不得所謂混元由茲而始矣

稟自然

老君乃元氣之真造化自然自然者道也強爲之容卽老君也以虛無爲道自然爲性真能使之然莫能使之不然亦不知其所以然不知其所以不然故曰自然而然而然也至若乘地爲輿操天爲蓋馳騫擴蕩翱翔八表不足比其大也窮幽極微至纖無際析毫剖釐至小無內不足言其細也八音交奏五聲迭和烈風迅雷海潮夔鼓不足言其聲也玄黃煥爛丹青煇絕焜煌焯晔綺靡華麗不足言其色也光耀熠爍神明恍惚風行電逝震

道藏輯要

猶龍傳

二

尾集五

霆流矢不足言其疾也結根九地沈嶠八海水凝藪澤泉滃嶽峙不足言其止也陰陽不測變現無常進退造化鼓舞萬物不足言其神也光燭靄昧洞鑿無形仰觀至陽之原俛察至陰之本不足言其明也影離響絕雲斂霧散歸根返本寂然不動不足言其無也滌宇宙之塵滓掃雲漢之昏蒙下際無根上通寥廓并包六合控馭三界不足言其虛也且道本無形真非有相蓋託虛假有體用互陳不足以盡其妙故歸之自然自然者理之極致也合之爲自然離之爲道德故眾聖所共尊今古不能泯經云道之尊德之貴夫莫之爵而常自然此之謂矣

見真身